



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.88





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.88




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.88




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.88

1. 6. 88

VII
CRASS



BARTHOLOMAEI
C R A S S I
N E A P O L I T A N I
DE PLANVRAE DOMINIS
ELOGIA, ET CARMINA.



NEAPOLI, Apud Salvatorem Castaldum
Regium Typographum 1684.

Superium Permissu.

BARTHOLOMAE

DE GRASIA

IN APOSTOLICA

DE FLAVIA DOMINIS

ELOCIA ET CARALINA

AVGVSTISSIMO
LEOPOLDO
ROMANORVM REGI,
ATQVE IMPERATORI.



Non mea auderet tenuitas (Augustissime Cæsar) hos tibi Musarum, flosculos nuncupare; ni tua ter augusta invitaret benignitas. Exigua namque Majestati tantæ, ac nimis tenuia mittimus dona; sed quantulacumque illa, plurima tamen sunt pro tua, quæ maxima in minimis elucet benignitate; non enim obsequium donis, sed dona obsequio metitur, obsequentis animum, non officia intuetur. Et sanè par erat, ut relatas à te nuper immani de Thrace palmas, Apollinei quoque laurus comitarentur; Quod si post dejectos ab insano conatu Titanas, Apollo triumphali epinicio Iovem gratulabundus consalutavit; quidni tibi, Dux Augustissime, carminum præconia tribuantur, cujus ductù, auspiciòque,

a

2

tot

tot modo sunt fidei Christianæ hostes, conjurati
gigantæo ausu bellare cum Superis, è Cælo, ab
obseffa scilicet per summam impudentiam reli-
gionis arce fortissima, deturbati? Dum igitur
majora alii tibi inscribunt operum monimenta,
minima hæc epigrammatum, elogiorumque ne
dedignare munuscula. Interea cum benignus no-
stris annuas votis, tua præcamur inclyta Deus cæp-
ta secundet, ac vota justissima felicibus impleat
incrementis.

EPI-

E P I G A M M A .

Aufriadum alta Domus , totus quam Mundus adorat

Progenies fulgens inclyta Nata Iove :

Æternis radiis , & Regno illuminat Orbem

Regibus illustris, Cæsaribusque potens .

His major, LEOPOLDE , tamen tu maxime splendes:

Cæsares , at major Cæsare mente , manu .

Suscipe, sed quod erit munus Te Cæsare dignum?

Haud donum Grandis : Mentem animumque videt .

Aspice: hic Aspectus reddet mea carmina cedro

Digna: Tibi Excelso gloria Tu met eris .



IM-

IMPRIMATUR.

S. MENAT. VIC. GEN.

Dom. Antonius Coragius Soc. Jesu Dep.

EXCELLENTISS. DOMINE.

T Vis obsecuturus jussis, quæ omnes, ut par est capeffere, debemus legi, & summa quidem cum voluptate librum, cujus titulus est *Bartholomei Crassi Neapolitani de Planura Dominis Elogia, & Carmina*: Et non modo inter legendum quicquam, quod Regis nostri Potentissimi Iurisdictioni adversetur non occurrit; sed cum Divos, Reges, Magnanimosque Duces præcipuè canendo laudet toto ferè libro Adolefcens hic paternis imbutus literis, & Genio, ita ut quas Musas Pater juvenis admodum coluit ameniores, eadem sorte, atque amore prosequatur filius; Adolefcantis Poetæ fovendus est ausus, crescentisque styli specimina promovenda, ut incendantur cæteri post poeticos flores ad scientiarum fructus promittendum uberrimos. Quamobrem per typos evulgari posse librum censeo, ni secus visum tibi fuerit Princeps Excellentissime, ad cujus genua procumbo ego.

Excellentiæ Tuæ.

Neap. ex Musæo nostro Decimo Xal. Majas 1684.

Addictiss. Servus
Carolus Susanna.

Visa supradicta relatione Imprimatur. Verum in publicatione servetur Reg. Prag.

CARRILLO REG. SORIA REG. IACCA REG.

Provisum per S.E. Neap. die 26. Aprilis 1684.

Colonna.

CHRISTIANI
ORBIS TROPHÆA,
S I V E
VIENNA TRIVMPHANS.

CHRISTIAN
ORBIS TROPICAE
2 V. 2
VIENNA TRIVMPHANS

IOANNES III. POLONIÆ REX

Fidei Defensor.

VIENNÆ A TVRCIS OBSESSÆ

Magna Hostium internecione

LIBERATOR:

ELOGIVM.

Mihi adfis Apollo
Tempus est Pindum viduare frondibus,
Perennia ferta texere.
Non Poetarum tempora redimenda, sed Regum:
Et tibi ò Sacer Musarum Chorus
Præstantius Hymni argumentum dabit
IOANNES invictus.
Egregiam tanti Regispangendo Virtutem, Merita, Gloriam.
Hoc cantu
Empyreas, non humanas imitabere voces.
Eja qualis in eo Virtus eluxit,
Vt ad Regale Solium
Non, nisi Virtutis gerebatur alis,
Ascendit meritis.
Viden Thraciam temulentiam!
Quæ
Vniversa penè Asiæ barbarie in Æuropam transfusa
Ne dum Viennæ casum, verum Romæ occasum
Fallaci mente fovebat.
Sed tamen
Pravis consiliis lugubris respondit eventus.
Palmas credidit reportare, retulit cupressus.
Mirum
LEOPOLDVS ex Cæsare Propheta factus!

A

Nam

Nam sensit toto lustrato Orbe
 Diuinam IOANNIS Virtutem,
 Et Victoriā est auspicatus
 Cum illam sibi fæderatam ascivit.
 Tanto auspicio felicior illuxit exitus,
 Cum enim IOANNEM vidit armatum
 Statim
 Victoriæ Regiæ Galææ advolavit.
 Obstupuit Germania,
 Vt Sarmaticas Cohortes
 Non militum, at Heroum phalangem
 Tanto sub Duce est admirata.
 Qui Filium quoque
 Vtriusque comitem Fortunæ secum adduxit;
 Vt
 Pro Religione, ac Fide bellum gesturus
 Religioni, & Fidei (Magno Pietatis exemplo)
 Propria dicaret viscera,
 Atque innumeras obtinendo coronas
 Tantæ Gloriæ pondus Nato impartiretur.
 Triumphator potius, quam aggressor
 Fulminea, & mortem vibrante dextera
 Turcas aggreditur.
 Tantò magis metuendus hostibus
 Quanto minus hostes metuebat:
 Nec tamen Mahometides celeri se fugæ committunt;
 Ferreis enim vallati aggeribus
 Resistere credunt.
 At terribili ab impetu subito terrore depressi
 Dum reniti student morti occurrunt.
 Christiadam mucronum tremendis confecti ictibus
 Sitim compescunt.
 Ipse, ipse Danubius
 Scythico tumefactus sanguine adauxit undas;
 Byzantiique mulieres orbatæ sponsis

Fu-

3

Funebribus lachrymis insignem fatentur Victoriā.

CÆSARIS Gaudium, Romæ solatium,

Totius Christiani Orbis lætitia

Vienna servata, barbaries profligata, Fides firmata

Hostium terrori, Christiani Nominis Tutamini

IOANNISVBIESKO semper invicto

Æternum erigunt Trophæum.

Ejus Virtus sydera tangit

Merita

Quodlibet Gloriæ transcendunt culmen.

Ipse

Ne dum terrenos plausus expectant,

At Cælestes.

Et dum plaudet Empyreum

Apollo file.



Ardua fregisti Mecchææ cornua Lunæ

Barbariem Scythicam Rex generose domans :

Impia fulminea rapuisti insignia dextra ,

Illaque donasti , clara trophæa , Petro .

Te Duce Magnanimo pugnax Germania palmas

Innumeras Thracum in sanguine leta legit.

Per te Turca jacet , per te jam salva VIENNA ,

Per te firma fides , Roma triumphat Ovans.



A 2

SE-

SERENISSIMVS PRINCEPS
IACOB SVBIESKVS

Ejusdem Majestatis Filius Primogenitus.

Vix decimus Iacobe tibi bis luxerat annus,

Vt forti auderes tela rotare manu.

Tu Maomethigenas invicto Marte catervas

Prostasti Scythicos, Bistoniosque Duces.

Oppressa hostili, nunc salva VIENNA furore

Construit illa tuis inclyta ferta comis.

In flore annorum victricis fulmine dextræ

Fidi gradivi primitiasque metis.

Pelleus juvenis, non sic Chironis alumnus,

Non Dux Thæbanus talis in arma ruit.

Grandis Adolescens non te capit Aula paterna,

Atque tibi Virtus jam nova sceptrā parat.



ERNE-

ERNESTVS COMES DE STAREMBERG

Præstantissimus Viennæ Defensor.

*Aggreditur Romana ferox Capitolia Gallus ,
 Manlius audaci pectore in arma ruit :
 Ausonias Turres constanti Marte tustur
 Tutamen Patriæ , Præsidiumque suis.
 Armament Thraces , rabidoque furore Viennam
 Obsessam cingunt aggere, & igne tonant.
 Fortiter oppugnant pinnatos undique muros ,
 Barbariem spirant ore, manuque feram.
 Arx Fidei alta labat multos immota per annos ,
 Luget & interitum territa Roma suum.
 Stabat pro Roma fortis STAREMBERGIVS Heros
 Urbis tutamen, præsidiumque fide :
 Hostiles acies firma Virtute coercet ,
 Fulminea dextra belligerabat ovans .
 Quæ tanti Herois præstanti robore victæ
 Haud mora præcipites arripere fugam.
 Quid queso Historia antiquum Romana celebrat ?
 Longè illo major Manlius iste novus.
 Romanam ille arcem , nunc servando iste Viennam
 Romam , & Romanum sustinet Imperium.*

SE-

SERENISSIMVS PRINCEPS
CAROLVS LOTHARINGIÆ DVX

Cæsarei Exercitus contra Turcas Supremus Moderator.

Sternere barbariem, Scythicasque domare phalanges

Magnanimi CAROLI Gloria summa fuit.

Fortunate Nepos non impar Magno Othofredo,

Dum digna excelsa sanguine gesta paris.

Ille expugnauit Solymam, Christi que Sepulchrum

Hostis blasphemus substulit è manibus.

Tu Sacri Imperii Cunam, Fideique columnam

Fulcis, custodis robore prævalido.

Messuit eas, devoto pectore, palmas

Ille. Pari dextra tu metis Occiduas.



LEO-

LEOPOLDUS

CÆSAR AVGVSTVS TRIVMPHATOR.

Victoriæ Præconium.

Terrigenas tentasse Iovem detrudere Cælo

Musarum finxit mens agitata Deo.

Fulmine disiectos etiam. Nunc fabula veram

Transit in Historiam. Cuncta superba cadunt.

CÆSAREVM Nomen potis est superare Gigantes.

Pro vero CÆSAR Numine pugnat Ovans.

Huc non respexit Maomethis barbara turba:

Hinc pede præcipiti corruit, atque jacet.



INE

INNOCENTIVS XI. PONT. MAX.

Sylvestros, Pios, Xystos
 Augmento, Pietate, Pecunia superasse
 Parum est.

At multum est

Nunc, Turcis everfis
 Fidem servasse,

Fidosque incolumes custodisse:

Fatentur

POLONVS CÆSAR, & totus Orbis:

Hic verè novit

Quales sint Ecclesiæ Thesauri.

Hoc est

Fidos augere Populos, & defendere,

Religionem promovere:

Quod ut gereret

Nummos sine numero profusit:

Verè Maximus,

Si Maxima facit.

Verè pro Deus,

Si prò Deo tanta perficit.

Te Pontifice

Creta, Rhodus, Cyprus

Romanæ iterum fient.

Tibi

Christianus omnis plaudit Orbis:

Hinc

Credit videre bona Domini in Terra Viventium:


Nestoreos vivas annos, & sæcula mille.

Roma, & Romani Imperii tu maximus Atlas.

Tutorem noscunt te, Dominum, atque Patrem.

BEL-

BELLICA
PRÆSTANTISSIMORVM DVCVM
MONVMENTA,
Ac
ELOGIA




B

TAL

TAICOSAMA

Iaponiæ Imperator
 Infimo natali , Gestis sublimi.
 E'Sylvis in Regiam transilvit
 Prius armentorum Custos , deinde Populorum Rector.
 Armis strenuus , rebus agendis vafer.
 A' Principe defecit. Principem Principatu orbavit.
 Decepit, ut regnaret. Regnavit, ut deciperet.
 In bello hostes , sed suæ Tyrannidis hostes evertit.
 Auri avidus . Magnatum sanguine madidus .
 Vicinos vicit . Remotiores terruit.
 Plurima adeptus Regna Imperium erexit .
 Æterno verè Nomine dignus ;
 Si digni æterno nomine sunt proditores .
 Disce

*Rebus in humanis, quantum inconstantia Sortis
 Ludat, ut exaltet, deprimat utque cave.*




Adeste omnes
 Martis, ac Palladis vestigia prosequentes .
 Vtriusque Idæam do vobis .
 D.PETRV M HENRICHEZ COMITEM DE FVENTES:
 Natum sub Magno Principe ,
 Pro Magno Principe natum .
 Ipse
 Belgii fervescente tumultu
 Belli, Consilii que arbiter
 Provinciæ imbecillitatem percipiens
 Opportuna adhibuit remedia
 Virtute , Armis , Consilio .
 Virtute
 Fluctuantes Populorum animos roboravit ,
 Armis inimicos prostravit ,
 Consilio Amicos adjuvit .

In Castris ne, vel in Aula
Præstantiorem se gesserit,
Regique suo magis profuerit
Incertum.

Galliam invasit, Dorlanum occupavit.
At majora animo voluens
Cameraci Urbem mira citcumvallatione
Cinxit, Oppugnavit, Expugnavit.
Ipforum met hostium plaufibus decoratus.
Meritis, & Gloria redundans
Ortum inter Gallos, & Subaudiæ Ducem diffidium
Mediolanensis Ducatus habenas sumens
Singulari Prudentia
Pacavit, extinxit.
Arcem in confiniis construxit
Suo vallatam Nomine,
Nam Nomen suum validum erat propugnaculum,
Et Nomini suo perennem adeptus Gloriam
Vitæ colophonem imposuit.

*Hic est ille Comes celebri de stemmate Fuentes,
Qui Mavors bello, Pace & Apollo fuit.*



Siste Viator
Hic jacet IMANCVLBEIG
Persarum copiarum Imperator.
Prius in bello flamma, modo cinis.
Regis Abas regni fines extendit
Mogolum superavit, Laram subegit
Ex Hormuz Lusitanos expulit.
Tantummodo Gloriæ pressus inopia
In Oriente Religionis Lumine caruit.
*Splenderet magis Heroes fortissimus inter,
Lumine si Fidei non caruisset Iman.*

ER-

13

ERNESTO MANSDFELDII COMITI.

Qui
Natalium impuritatem armorum fulgore illustravit
Parentis sequutus vestigia
Prò AVSTRIACIS arma tractavit:

At
Mutatis una cum Religione stipendiis
Suis artibus
Bohemiæ seditionem fovit, provexit.
Sæpius dimicando victus
Palmis, non exercitu caruit:
Dum certandi infelicitatem
Celeri refectione compensabat.
Fortunam in præliis adversam
In jacturis secundam expertus
Sine Principatu Princeps
Sine Dominatione Provinciarum Dominus
Germaniæ desertor,
Principum terror,
Tandem
Mortis jacula vitare non potuit.

*Indomitus, semperque minax, semperque fugatus
Anthæus pugnax hic jacet ille Comes.*



BOG.

BOGDANI COSACCHORVM DVCIS

Peripetia.

Corporis robore, Animi calliditate insignis.
 Nobiles oppugnaturus Rusticos armavit:
 Inter quos Nobilitatem adeptus
 Vrbes diruit, Exercitus fugavit
 Provinciarum potitus
 Victus victor, fugatus fugator
 Anthæi instar se prætulit.
 Regi rebellis, à Rege veniam petiit,
 Vt hac obtenta iterum deficeret.
 Tartaris, Moschis, Turcis, quamvis fœderatis
 Sæpè numerò infidus.
 Hoc in uno verbis non fallens,
 Quam vis Patriæ ingratus;
 Nam promissum illius excidium molitus
 Patriam funditus evertit.
 Instabilis
 Castra relinquens Claustra petiit
 Religione nudus.
 Qua finè
 Inquietus obiit,
 Perturbatum enim ejus animum
 Non, nisi Mors sedare poterat.

*Conditur hoc tumulto Monachus, Dux, Barbarus Hospes
 Bogdanus. Solo nomine Gesta Sapis.*



D. HIERONYMO CARAFÆ²⁵

Montis Nigri Marchioni.

Præclaro fanguine nato,
Præclariori Virtutum genere redundanti;
Militari Scientia præclarissimo.
Imò bellicæ Artis Principi.

Hic

Celebres inter suæ ætatis Duces
Splenduit Præstantissimus.

Hujus

Primum, atque ingens Gloriæ theatrum
Belgium fuit.

Eò loci

Ejus Virtus mirandum in modum effulsit.

Duro enim in Martis certamine

Quia metitus, meritus primas palmas.

Huic

Adversa pectoris vulnera
Æternum statuere Triumphum.

Testis HENRICVS.

Qui HIERONYMI Scientiam, & militare robur,
Vt vidit

In ardua Ambiani obsidione

Ejus merita ingentia

Proprio fassus est ore.

Verè Regium, & dignum HIERONYMO testimonium.

Germanam gentem tumultuantem,

Et in Cæsarem conspirantem

Domuit, fregit, evertit.

Non mirum

Non degenerem Patria peperit.

Alcides solet Parthenope gignere.

No.

Nostrum genuit **HIERONYMV**M Alciden.
 Dixissem Filium Martis,
 Ni Mors præpropera
 Hanc notionem abstulisset.
 Sed hac Invidia
 Immortalem **HIERONYMO** peperit Gloriam.

*Parthenope splendens Alciden parturit . Ortus.
 Edere dissimiles non solet ista Parens.*




17
COMES IOANNES ALDRINGERIVS

Virtutis Filius.

Qui
Natalibus licet mediocribus ortus
Illustrem se, familiamque suam armis fecit.
Cujus
Rerum paupertatem ingenii divitiæ ditarunt.
Cui
Scientiæ se se diffuderunt omnes.
Quem
Militem factum validè pugnantem Sueci timu ere,
Et pervicaces Protestantes.
DVX CÆSARIS in Mantuana direptione clauit
Animo quam vis in populatione avaro.
Multas in Germania expugnavit Vrbes:
Variante demum Fortuna
Manus contra Suecos conservit.
Interemptus tandem in bello decessit.
Emerita tamen laudum præconia tulit.
Mors mortalem credidit, Mars immortalem reddidit.

*Sunt Cælo flores, quos Virtus ardua donat.
Heroum hunc Florem florida ferta decent.*



Da lachrymas Hospes
Lugendum magis, quam legendum.
D. FRANCISCVM TORALDVM AB ARAGONIA
Massæ Lubrensis Principem
Miseriarum fatale spectaculum offero.

C

Hic

Hic
 Generosa stirpe editus
 Nutritus in armis
 In Præliis adultus
 Ad omne Martis opus inveteratus
 Avorum Celsitudinem
 Propriis adauxit meritis.
 Esto huic erectum Trophæum
 Tarraconensis Urbis defensio.
 Singulâ arte, præstanti Virtute, forti dextera
 Parthenopen suos habere Martes
 Testatum voluit.

Sed
 O'Humanarum rerum vicissitudinem!
 In Patriam rediens
 Pro Patria contra Patriam arma tractavit.
 In cuius insana seditione
 Vilissima à Plebe interemptus
 Firmam Regi suo fidem
 Proprii sanguinis effusione patefecit.

Qui
 Nobilitatis testis
 Natalium splendorem, & animi candorem
 Ostendit

*FRANCISCI ingenuus candor, nostrique Gradii
 Apparuit fuso in sanguine vera fides.*



19
GVLIELMI HASSIÆ LANDTGRAVII

Præstantissimi Bellatoris.

Protestantium protectoris
AVSTRIACIS, CATHOLICISQVE semper infesti
Conduntur hic cineres.

Hic

Constantis Amicitiae splendor
Grassantibus Germaniae tumultibus
Non inglorius fortes conservit manus
Secum REGI GVSTAVO
Tum Religione, tum armis conjunctus.

Quo licet extincto
Magis in GVLIELMO bellandi est ardor accensus;
Vt fœdere junctis pro Rege foret

Quam vis Fortuna variante
Animum non tamen variavit

Propalam ostendit

Contrâ veram Amicitiam nil posse Fortunam.

Amicis, fœderatisve opem laturus

Cum Gallis, ac fœderatis Belgis fœdere pacto

Laer Urbem ingressus

A'Morte oppressus

Diem clausit extremum.

Suis tamen gloriosis Gestis vivet Immortalis.

Et si jacet

Nominis Fama non tacet.

*Si gladium strinxès pro Relligione Quiritum
Nonne fores fama splendidus ipse magis?*

VLADISLAVM POLONIÆ REGEM

Magnum Lithuania Ducem.

Majorem Principem
 Bellatorem Maximum
 Triumphatorem Invictum
 Victoriæ dilectum
 Lector vide.

Hujus dextera fulmen.
 Quæ oppugnavit, expugnavit
 Funditus evertit.

Ejus munus erat
 Serere palmas, metere victorias, reportare trophæa.

Tartaricas cohibere turmas
 Moschos debellare infidos
 Turcas domare superbos
 VLADISLAI gloria fuit.

Cujus commendare Virtutes,
 Exarare laudes, numerare Triumphos
 Calamus, & Arithmetica se non posse fatentur.

*De te quid dicam? sileam celeberrime Regum;
 Teque minus quicquid dixerò semper erit.*



Cognomini haud respondit :
 Verum illud immutavit .
 Non PICCOLOMINÆVS , sed Magnus Vir .
 Major Dux , Maximus Heros .
 Adhuc Suecia Gustavi luget interitum .
 Fracta fatentur Galli crista .
 Slanc quoque suecus attestatur .
 Multitudine militum capta .
 Sileo
 Nam Grandis OCTAVII impar sum Gloriis .

*Davidis Tusci hac cineres conduntur in urna ,
 Qui Suecum Goliath substulit ense pius .*



LEO

LEOPOLDVS GVLIELMVS

ARCHIDVX AVSTRIÆ.

*Lugentes Charites, alto pressasque dolore**Videre Aonii Numina Sacra Chori.**Obstupere, petunt meroris noscere causam.**Occidit AVSTRIACVS Mars novus: hinc lachryma.**Facta est Musa silens LEOPOLDI dicere laudes**Diffidens: retinet carmina mæstitia.**Fama sed aspiciens Charites, Musasque dolentes**Se excitat, atque illam Gloria ad alta vocat.**Remigio alarum se Aulis Cælestibus infert**ARCHIDVCIS pandens nomen in Orbe Deum:**Commovet hinc Phæbus Musas, promptasque calore**Hymnisono reddit. Musicus indè canor.**Praclaræ celebrare hujus præconia laudis**Pieridum genitor vix satis: & tacuit.*

ALIVD

A L I V D

Splenduit impavidus mediis GVLIELMVS in armis

Omne ad Martis opus pectora prompta parans :

Lethalis nunquam renuit discrimina belli

Arma, hostesque inter robore prævaluit.

Viribus invictis, Virtutum nomine clarus,

Cujus utroque Polo fama perennis erit.

Imperii Augustas; mirum! cum cessit habenas,

Dignior Imperio tunc LEOPOLDVS erat.

CAROLVS DE GONTAVT

Bironius Dux.

CAROLVS extinctus parva nunc clauditur urna

Prèndere quem vivum Gallia non potuit.

A' grandi HENRICO grandi ditatus honore,

Virtutisque suæ præmia digna tulit.

Attamen elatus dum sceptrum quaritat: illi

Præmia dat Virtus, Ambitio interitum.



MAO

MAHOMETVS MAGNVS

Indorum Imperator.

*Extremos tandem Virtus penetravit ad Indos
Inque Macometho tota resedit Ovans :
Sirenvus, & vafer Imperio tot Regna subegit,
Quanta Indi, & Gangys fluctibus ora madet.
Regnorum innumerum domitor vi denique adactus
Horrenda mortis triste subire jugum.*

IVLIVS ÆTHIOPVM DVX.

*IVLIVS hic jacet Æthiopes fortissimus inter.
Teter erat vultu, tetrrior ast animo.
Regnandi cupidus bellum suscepit iniquum.
Infidus Regi pro fide in arma ruit.
CHRISTI Naturas tentat dum tollere binas
Occisus falsa cum fide, & ipse ruit.*



DAI-

DAIFUSAMA IAPONIÆ, IMPERATOR, ²⁵

*Perfidus, acri animo, celsi sub vertice Montis
Se condit jussit Daifusama ferus;
Mortuus ut Cælo, Divisque propinquior esset:
At sua barbaries turpior inde patet.*

MAURICIUS PRINCEPS AVRIACVS.

*MAURICIUS BAT AVVM tutamen, gloria, vindex
Impubes cepit horrida castra sequi:
Sæpius opposuit lethæis pectora bellis,
Movit & intrepida martia tela manu.
Merore absumptus morti succumbit acerba.
Quem Mars non valuit tollere. Mæstitia.*

MARCHIO AMBROSIVS SPINVLA.

*AMBROSII Virtus nullis superabilis armis:
Nam sua bellisonans dextera fulmen erat.
Hic Marti similis fama super Æthera notus
Hostes aspectu terruit, ac domuit.*

Ejusdem effigies.

*Si manus effigiem potuit depingere vivam
At Gesta AMBROSII dicere lingua nequit.*

D

IOAN-

IOANNES TERSCLES COMES DE TILLI.

*Romanæ TERSCLES fidei tutela, salusque,
 Sospite quo tutus CÆSAR ab hoste fuit
 Imperii Alcides enervans hæresis hydram
 Qui Pius invicta conseris arma manu.
 Iam caput infidum scelerato fregeris angui,
 Te tantum abstulerint ni fera fata Virum.*

ALBERTVS VVALSTEIN DVX DE FRITLAND.

*ALBERTVS cecidit! Lector spectacula Sortis
 Funesta, & casum perlege disce, & abi,*

GVSTAVVS ADVLPHVVS SVECIAE REX.

*Hospes siste gradum. Tumulo GVSTAVVS in isto
 Conditur Europæ terror, & exitium.
 Qui licet extinctus clades, ac bella minatur,
 Bellifonas flammæ spirat & ipse cinis.*




OLIVARIUS CROMVEL²⁷

*Contemptor Divum , Patriæ saevusque Tyrannus
Fas omne abrumpens , bella cruenta movens .
Dedecus Anglorum , nostrique infamia sæcli
Immanis CROMVEL clauditur hoc tumulo .
En faber omnigeni sceleris ditisque minister .
Ipse virile habuit robur ad omne malum .
Induit & clamydem (ò crimen , facinusque nefandum !)
Occisi Regis sanguine purpuream .
Illius pereat turpis cum nomine fama ,
Sorbeat infaustum fluminis unda Stygis .*

CAROLVS LOTHARINGIÆ DVX.

*Innumera aversa sortis discrimina passus ,
Quæ foliis levior mobilitate viget .
CAROLVS hostiles valuit superare phalanges ,
Et Marte incerto prælia dura pati .
Viribus armorum hostes non sine laude retundens ,
Robore Virtutis tristia fata domans .*



COMES MATTHIAS GALASSVS.

Prostravit Suecosque Danos, domuitque rebelles

MATTHIÆ invicti dextera fulminea.

Sapè triumphavit Caesar bellante GALASSO,

Sapè citam arripuit turma inimica fugam:

Fulmina namque huic præstabat Iovis armiger ales,

Quis hostes posset sternere Casareos.

Claruit Heroes inter fortissimus omnes,

Virtute excelsa perculit invidiam.

ERPERTVS MARTINVS TROMP

Batavæ Classis Præfectus.

Classe sub armata ERPERTVS tumida æquora scindens

Vela dedit, Ponti rabiem subiensque profundi

Neptuno fræna imposuit, ventosque secundos

Reddidit, Heroem ventis metuentibus alnum.

Bellator fortis, Patriæ defensor in Anglos

Irruit hostili versantes prælia dextra,

Aera diffidunt bombi, sonat arduus æther,

Atque inimica rates antennis saucia fractis

Naufraga jactatur quassata per æquoris undas:

Classis, & arma natant Martis concussa sagittis,

Dispersasque alto naves mare sorbet hiatu.

Ro-

*Roboris ardorem igni vomit uix pulveris ardor
MARTINI extinxit, moritur si virida Virtus.*

ODOARDVS FARNESIVS PARMÆ,

Ac Placentiæ Dux.

*Magnanimum Heroem, quo non præstantior alter
Vitali orbavit lumine parca ferox.*

*Indignum facinus, quo non indignius ullum:
Credidit invictum sternere ad Astra tulit.*

*Fulget in arce Poli propria virtute coruscans,
Atque Duces inter Sol velut ille micat.*

*Dixerò si belli fulmen, si Pallade Natum,
Hisce tamen major verè ODOARDVS erat.*

MARCHIO ALEXANDER DE BORRO.

*Alter ALEXANDER Mundum, sed vincere Cælum
Non potuit. Noster vicit utrumque Polum.*



PRIN-

PRINCEPS MATTHIAS MEDICES.

*MATTHIAS validis ingens resonantibus armis
Cæsareus primus Dux, & in arte potens.
Sæpius armatas domuisse, necasse phalanges
Scribitur, & populis imposuisse jugum.
Fortis erat sapiens, tenuit Martemque secundum,
Sortem arridentem, bella peregit Ovans.
Omnibus ornatus præstans Virtutibus Heros
Claruit exuperans patria Gesta suis.
Hunc ego non dicam mortali semine natum.
Tanta homo quippe nequit. Dixerò Marte satum.*



LA-

LAZARVS MOZENIGVS.

31


*O'Decus, ò Patriæ lux, nostri ò Gloria sacri,
O' verax bello LAZARE norma virum,
O' celebrande Heros, fama, vel clarus Olympo,
O' fulmen Martis nobile, Marsque novus.
Hoc uno occiduis. Mortem, excidiumque parabas
Dum Turcis te vis substulit atra Maris.
Fallor. Te tunc è Terris ad sydera Virtus
Extulit, elatum laudat & ipse Polus.*



CAR-


ERRATA

Utrum, si quidam, qui in
Omnibus, et in singulis
Quibuslibet, et in singulis
Omnibus, et in singulis
Hoc est, quod, si quidam
Dicitur, et in singulis
Hoc est, quod, si quidam
Dicitur, et in singulis



CVII

CARMINA
DIVERSA.



E

SAN-

221

SANCTISSIMA TRINITAS

CARMINA

DIVERSA

1555

SANCTISSIMA TRIAS.³⁵

*Vim Genitor, Sophiam Genitus, Rectumque ab utroque
Pneuma tenent, unum constituendo Deum.*

*Natura lux una, tamen tria lumina prorsus
Æqua accendit, habent in tribus esse Deum:*

*Vi Deus Omnipotens, Sophia cuncta ordinat, iisdem
Se diffundentem dat bonitate sua.*

*Esse potest nunquid majus Ternarius ille
Immensus? majus tu ne putare potes?*

*Miraris ne Deum incompto à me carmine dici?
Causor; nam nulla est mens capere apta Deum.*

DIVVS BARTHOLOMÆVS.

*Hic inter Divos lucet fortissimus Heros,
Atque manus inter prominet Aligeras:*

*Luce coronatus, vestitus firmate Celi,
Calesti ornatus Gloria in arce Poli.*

*Et tamen occubuit nudus sine cortice carnis.
Cur ita? Divino Pneumate plenus erat.*

*Tendit ad Astra levè, hic Divinam ut scanderet aulam
Tutius, en illuc vel sine pelle volat.*

AD ILLVD APPII CLAVDII

Faber est quisque propriæ Fortunæ. Teste Salustio.

Sors, Fors, Eventus, Casus, Fortunaque, Fatum

Voce tenus quod habent, significare valent.

Horum ne quicquam mortali destinat ullum,

Nec valet: in fatis, dicere, sic id erat;

Namque omnes unus sortes regit auctor, & una

Temperat Omnipotens omnia fata manus.

Quod non prævisum cadit, & secus esse valebat,

Id casum, aut Fatum dicere complacuit:

Non etenim est Fatum, ut Chrysippus stoicus ille

Somniat: est quod ait, fallitur ille tamen.

Quippè homini leges tribuit sufferre malignas,

Mentis & indignum sustinuisse jugum.

Est quod ait Fatum, sed non quod sentit: Apertè

Fati mutatis sensibus ecce patet.

Est series rerum Fatum, rerumque catena,

Quam Deus, at salvis, ordinat arbitriis.

Vnicuique data est omni pretiosior auro

Libera libertas, qua quod amat quit Homo.

Cogimur haud uno mortales vivere voto,

Nec duro Sortis subdere colla iugo.

Quam benè conveniens cunctis ait Appius olim

Fortunæ fabrum quemlibet esse suæ.

FOR-

FORMOSVS PVER NATANS.

*Spumantes rauco plorabant murmure fluctus ,
 Nullaque ceruleas aura movebat aquas .
 Quum puer Ermetes liquido se in marmore mergens
 Iactabat tremulo brachia nuda Mari :
 Aurea Casaries radians vada salsa flagellat ,
 Alba fit ex humeris concolor unda suis .
 Tunc Neptunus ait . Forsan de gurgite vasto
 Quondam nata Venus : nunc orietur Amor ?*

CÆSAR NAVCLERO .

*CÆSAREM habes tecum spumas salis ære ruendo ,
 Et tua sollicitus comprimit ossa timor ?
 Cæsareum Nomen potis est superare profundum ,
 Imperiumque pavent cerula regna meum .
 Hæc mea bellifonans, quæ totum subiicit Orbem
 Sævitiem Pelagi , dextra, domare valet .*



FACTVM MVTII SCÆVOLÆ.

Alludit ad illud Ioseph Baptista.

che se la mano
Della Patria non è non è la mia.

Erravi Porfenna , manus si transtulit ictum

Errantem dextram torreat ignis edax:

Si non Romanam nunc ultrò porrigo flammis .

Non mea, si Patria non fuit illa manus .

Aliud .

Fortunata manus , licet igne absumpta voraci

Splendida perpetuo Nomine semper eris .

Quum ferrum glomeras nescis componere vulnus ,

Armatus Reges vincere adusta potes .



IRI-

IRIDE APPARENTE CYNTHIAM VIDET. ³⁹

Flammanti radio jam pictor in Æthere factus

Pingebat volucrem tetrīs in nubibus arcum

Phæbus, & omnigenis vestita coloribus Iris

Desuper illuxit roseo Thaumantias ore :

Empyreī torquem, risum plorantis Olympi

Cynthia consurgens placidis spectabat ocellis,

Perlegit illam oculis, & inhaeret pectore toto.

Hanc ego suspiciens niveum mea lumina jacto

In vultum, sistens, atque illa immota tenebam

Cælesti aspectu languentia pectora pascens.

Tunc conversa statim, cum me lustravit amantem

Protinus illa fugit, pedibus timor addidit alas ;

Nec voces audire meas, tristisve querelas

Immanis curat Busrīde se vior ipso.

Tum miser obstupui, steteruntque similima saxo

Pectora tabifico ætutū compressa dolore :


Credere quis posset ! subito mea gaudia leta

Calicus en fornix in fulgur vertit inane,

Nuncius haud pacis, sed sævi tessera belli,

Si puer Idalius, cæco qui fulminat igne

Tela, Polo, exorta violentius Iride vibrat.



CYN-

CYNTHIA PISCATVR.

*Cynthia caruleos comprehendit arundine pisces,
 Fluctivagoque gregi construit insidias:
 Continuo, ipsa volens formosæ victima dextra
 Advolat ad dulcem squamea turba necem.
 Optima Piscatrix. Dum in terris retia tendis
 Stellanti alliciens lumine corda trahis.*

PAVSANIAS CLEOMBROTI FILIVS,

*Dum statuam sibi erectam lacedæmones dirvunt.
 Ex Thucydide lib. 1.*

*Si mea Gesta gravis jam tollit ad Æthera Virtus
 Saxa erecta mihi, muta tropheæ, ruant.
 Invidia dentes marmor confringere possunt.
 Pausaniæ Nomen rodere non poterunt.*

THAMYRÆ FACTVM.

*Ad cantum Thamyras Musas, Phæbique Sorores
 Provocat, & meritò Lumine cassus abit.*



CIN-

CYNTHIA DORMIENS.

41


*Cynthia frondosa umbrifero sub tegmine lauri
Lassa soporifero lumina rore rigat.
Lumina si clausit, si donat membra quieti
Ardua si placidus comprimit ossa sopor
Blandus Amor, jaculis qui corda immitia mollis
Mollia fac telis pectora dura tuis,
Pectora duritiem silicum quæ vincere possunt
Heu semper lachrymis pectora dura meis.
Ut sic me redamet, vel saltem vincita sopore
Ardentem vultum somniet illa meum.*

DEFORMIS MULIER NATANS.

*Carpis iter pelagi, gelido vada pectore rumpis,
Insipido salsas corpore findis aquas.*

Aliud.

*Turpior inferno mulier premis alta lacertis
Æquora, monstrorum nunc benè regna voco.*



F

ZEV.

⁴²
ZEUXIS PICTAM A' SE VETVLAM

Contemplans risu moritur.

*Rugosum vetula vultum squallentia terga
Egregia Zeuxis pinxerat arte potens ;
Et subito, dum solvit Ovans præcordia risu
Fata subit, claudit letitiaque dies.
Eheu sortem hominis quis non lachrymetur acerbam ?
Si vel sub risu mors inopina latet .*

VENERIS PICTOR :

*Pinxisti Venerem fluitanti è marmore nasci
E'vino, inspiens, nascitur alma Venus .*

DIOGENES IN INFERIS :

*Cerberè pande fores stygii defensor averni ?
Non mihi blandiris ? Sum quoque ego ipse canis .*



CA


CASVS FILII CROESI.

43

*Ancipiti pugna medios moriturus in hostes
Cresus in arma ruit tela cruenta ciens .
Quum miles Regem insequitur , denudat & ensen ,
I am jam instans Regis vulnere pectus habet :
Mutus Adolefcens cernens discrimina Patris
Haud mora vocales hos dedit ore sonos .
Impie ne inficias Regali sanguine ferrum ,
Si Cresum interimis lydia sceptrum cadunt .
Vocibus auditis stupuit , subitoque repressit
Ictum , suspensa dextera & ille stetit .
Portentum ! Nato vocem , vitamque Parenti
Tentatum vulnus donat , utrumque beat .*

CLEOPATRA VENENVM SORBENS.

*Diris si fatis , cessit si Caesaris armis
(Si tantum rapuit Mors furibunda Virum)
Si jacet infido sub Marte Antonius , Anguis
Lethifer ista fero viscera dente vora :
Rumpantur potius connexa ligamina vitæ ,
Quam me Victoris ferrea vincla ligent .*



F 2

MV-

MVLIER PVLCHRA CLAVDO VIRO NVPTA.

Vulcano pulchram Venerem junctam esse marito

Fabula nota quidem: claudus at ille fuit.

Hæc non degenerans Divam, Matremque imitatur:

Formosa est mulier, Filia nam Veneris.

Hoc factò ista tamen certè laudanda videtur,

Acri selegit iudicio ecce Virum.

Vel claudum ista suo novit benè munere fungi,

Aut alium, claudi tegmine, habere cupit.

NERO ARDENTE ROMA CYTHARAM PVLSAT.

Vulcano Romam insanus Nero porrigit escam,

Ausoniamque Urbem devorat ignis edax:

Æthera flammarum contorta volumina lambunt,

Et combusta cadunt marmora rupta solo.

Lumine ridenti miseranda incendia cernens

Barbarus en Cæsar ligna sonora premit!

Concinit ore modos, crepitantibus undique flammis:

Læva facem glomerat, dextra flagellat ebur.

Saxa movens sonitu Thæbanus musicus olim

Erexit, Patriam, destruit iste lyra.



F V N A M B V L V S.

*Qui centrum gravitatis amat reperire, Mathefin
Discit, & est opus ut polleat ingenio.*

*Fallitur: hanc solum novit Funambulus artem,
Hoc uno, bene rem scire docente potes.*

*Corporis hic medio librato, cetera membra
Commovet, illi uni ne cadat usque studet.*

*Ambulat, atque quatit vario tensum pede funem,
Mille modos aptat, mille tenetque vias.*

*Auri sacra fames, quid non mortalia cogis
Pectora? vel vitam ludere. Turpe scelus.*

Idem.

Humanum ingenium vix majus promere posset.

Hic Sophus est pedibus, Hic Sophus est manibus.



ÆGRO.

ÆGROTVS AMO.

*Æstuat incessans in mæsto pectore flamma ,
 Et mea febrilis devorat ossa furor :
 Lethifer oppressit languentia viscera morbus .
 Est mea febris amor . Nulla medela juvat .
 Sola levare malum , dirum mulcere dolorem
 Cynthia me sanum reddere sola potes .*

LAUS PINTI MUSICI.

*Neptuni Musæ fluitanti in marmore nantes
 Fallaci dictæ carmine ferre necem :
 At contrà dulci resonans modulamine Pintus
 Extinctos reficit , cordaque cuncta trahit .*

Aliud .

*Iucundum Pinti cantum si audiret Apollo ,
 Auratam subito frangeret ille lyram .*



CRE-

47

CRETA SVB TVRCARVM DITIONE REDACTA.

*Illa , ubi mille viis Mæandricus error habebat
Parietibus textus falleret unde dolos ,
Nobilis illa Iovis Patria, alta Hecatompolis illa
Subdita Victori Lunifero ima subest ?
Quam Pelagi Regina Polis, Virgoque Leonis
Perdedit à sævo Thrace subacta gemit ?
Quæ prò Christiadam stabat Turri , atque Columna
Victa novo Kersî mæsta tributa parat.
Mæsta tributa parat tali subiecta Tyranno ,
Christicolasque gemens talibus alloquitur .
Non mea culpa fuit succumbere , cedere, (namque
Quæ potui feci) Non mea culpa fuit .
Vestra ò Christigenæ Reges defendite Regna ,
Hæc celeri en properat tollere turca pede .
Turca coronari tentat toto impius Orbe
Creta monens Reges hæc ait, & tacuit .*



POR-

PORCIA BRUTI VXOR.

Alludit ad illud Baptiste

Nel delubro del cor serbo i carboni,
E del foco d'Amor farò vestale .

*Si Bruti nece libertas Romana sepulta est
Deponam vitæ pondera dura meæ:
Vulneribus promptum jam jam mihi tradite ferrum .
Occubuit Brutus , Porcia non moritur ?
Nil prodest violare comas, contundere pectus
Tristia quum Virtus fata domare nequit .
Ut saltem possint flammæ durare perennes ,
Legitimusque sacro fœdere junctus amor .
Pectoris in Templo carbones Porcia condat ;
Vestalisque sacri lampas amoris erit .*

ANTHÆI EPITAPHIVM.

*Conjunctas vires præbet mihi terra jacenti ,
Me nunc Alcides vincere non poteris .*



CHY-

CHYMICVS.


*Materiam primam dum quaritat undique stultus
Amittit formam Chymicus ecce suam.*

STATVTVM EST HOMINIBVS SEMEL MORI.

*Mortale omne Genus naturæ pendere debet
Debita. lex firma est, crimine scripta gravi.
Est incerta dies fatalis, & omnibus instat.
Ortus pena mori est. Hanc meditare diem.*

Valenti Imperatori, Exilii decretum scribere volenti
contra Divum Basilium calamus non reddidit atramentum.

*Pastorem innocuum, dum Cæsaris impia dextra
Extorrem seua scribere lege petit.
Mira fides! calamus tunc verba notare recusat,
Torpet & in digitis, durus & ille riget.
Esse pium docet ille reum, fontemque Tyrannum
Se iniusta in fontem scribere iussa piget.
O pennam egregiam fama super Æthera vectam,
O stupor! hinc Cæli dogmata scire licet.
Noluit hæc quoniam semel impia scribere, semper
Scribitur, & celebri Nomine vivit adhuc.*



G

FOR-

Formosus adolescens vetulam turpem amans.

*Quem forma desiderium, Plato, dicis Amorem
Nunc est deformis facta cupido rei.*

*Quid mulier specie polles, faciemque coloras?
Ut placeas, frustra niteris esse micans;*

Vere quid activo, & grato florere iuventa?

*Quid mollem, teneram viridam & esse iuvat?
Mundus ad occasum pergit, si displicet Ortus,
Displicet en oriens Sol, obiensque placet.*

*Est verè nunc cæcus amor, jam reddit amantem
Cacum; nam quæ sunt turpia pulchra videt.*

DEMOCLIS PVDICI FACTVM EX PLVTARCHO.

*Democles pueros inter pulcherrimus omnes
Primævo ætatis flore virente nitens:*

*Formosum fecit, fecit natura pudicum,
Pulchrior incertum, an purior ille fuit.*

*En Poliorcetes vesanas pectore flammæ
Nutrit, & impuro viscera amore gravat:*

*Terrificis verbis sermonis dulcia miscet,
Blanditiis sævas adiicit atque minas.*

*Obstupuit puer, & supplex vox faucibus hæsit,
Et gelida horrendus perculit ossa tremor,*

Actu-

Actutum impatiens diro offert colla Tyranno
Vult mortem potius, quam absque pudore dies.
Vi tamen illatum nequiens vitare furorem,
Cum spes insonti nulla salutis erat.
Præcipitem se ferventes coniecit in undas
Flammantis labri, transit & ad stygias.
Sic vicit Democles, lascivamque Tyranni
Corpora casta vorans corripit unda sitim.
O' factum egregium, atque ætatis gloria prisca.
Quam rarò similem sæcula nostra vident!
Fortis Adolescens laudet te fama perennis
Castior Asbylo, purior Hyppolito.
Veturium niveis tu unus candoribus æquas,
Mundus cedat Apollonius ipse tibi.
Vivida Democles te tollat ad Æthera Virtus
Magna Pudicitie Gloria, Norma, Decus.



Quidam illud Horatii proferens
Quid prohibet ridentem dicere verum ?

Nulla quidem prohibent ridentem dicere verum .

Tu ridens dicis falsum, & inane tamen :

O'cujus possunt risum argumenta movere ;

Nescis, & credi niteris esse sciens .

Magnus es ardelio, blatero majorque, cicada

Voce tenus Sophiam credis habere tuam

Hoc verè loqueris, monstrans, verumque fateris

Te risu stultum . Quam benè dicta refers .

Nil ergo prohibet ridentem dicere verum

Ex te, qui nescit, discere ritè potest .



TVR-

TURNVS IACIENS SAXVM IN ÆNEAM. ⁵³

Alludit ad illud Baptista

Se da fassi di Pirra uscì la vita
Dal macigno di Turno esca la morte.

Transfuga Dardanides, Patriæ miserande superste

Regna latina petis, Laviniæque thorum?

Infelix! præceps quæ te dementia vertit.

Heu miser ad lathum te tua fata trahunt!

Iuppiter Omnipotens fortem mihi porrige dextram,

Propitioque adsis Numine Diua bifrons.

Si Pyrrhæ è saxis vitalis prodiit ortus,

E' Turni filice prodeat interitus.

MATER EXTINGTVM FILIVM PLORANS.

Incultas dispersa comas, & pectora palmis

Contundens, gemitu sydera mesta ferit:

Incusat Parcas rupisse ligamina vitæ

Tam subito, vellet victa dolore mori;

Corpora & in tumulo vellet tumularier uno,

Atque animas unum vellet adire locum.



BEA-

BEATA VIRGO SINE LABE CONCEPTA.

*Aura Divina Templum, decor omnis Olympi,
 Visceribus Dominum gignere quæ meruit .
 Omni luce nitet, puro spectabilis omni ,
 Haud primam maculam contigit ista Dea .
 Si Solem Æternum peperit, qui lucis origo ,
 Debuit omni umbra Virgo carere mali .*

Aliud.

*Cur concepta fuit prima sine labe MARIA !
 Debuit illa hominis , mater & esse Dei .
 Natura propria Deus est purissimus actus ,
 Pura ergo Mater debuit esse . Tace .*

DIVVS STEPHANVS.

*Turbine saxorum quassatus scandit Olympum :
 Ad Cælum STEPHANO haud saxeæ facta via est .
 Portentum ! æternam saxi sibi fabricat aulam .
 Saxa volant, curru saxeo ad Astra volat .*



DI-

DIVVS PHILIPPVS NERIVS.

*Hic veri speculum, clari speculator Olympi,
 Regula perfecti norma, decusque boni:
 Instituit callem, quo callem panderat astris,
 Vel vivus Cælo cepit in Orbe frui.
 Cælestum tantam claudebat pectore flammam,
 In Romam totam ut fuderit igniculos:
 Incedit Romam Nero, ut omnem everteret. Arces
 Ferret ut ad Divas Nerus ignis erat.*

SS. EVCHARISTIÆ SACRAMENTVM.

*Nectare, & Ambrosia nutriri Numina Divum
 Pierides doctæ fingere concelebrant.
 Respice mortalis tibi Calicus ecce paratur,
 Dulcior atque cibus nectare, & ambrosia:
 Æternos cibus hic sumentis preparat annos,
 Atque immortalis Gloria ad Astra vehit.
 Proh capis Immensum! ut possit capi & ille benignus
 Maximus in minimo clauditur orbe Deus.*

DIVA AGATHA.

*Vbera discindat ferrum. Cælestis Amazon
 Summi Bellatrix Altitonantis ero.*

VE-

VESUVIANVM INCENDIVM.

Paraphrasis mei carminis.

Erutta à nostri danni il Monte altero
Per la tonante gola, &c.

Arduus insanos eructat ab ore tonante.

*Ardores, damnumque creat Mons; pectore ab imo
Sævior increpitans horrores evomit atros.*

*Crinibus elatis efformat stemmata tetra**Visceribus densignitis sata copia fumi,**Mugitu & rauco claras ad luminis oras**Obscuræ caliginis atra volumina pandit.**Faucibus emissus, magnusque voraginis inter**Ima sonus reboat, quatit horrida terga Vesevus,**Fumantemque illum tu dixeris esse Tonantem.**Terribili se actum rabie movet ipse furore**Motibus insanis, & rupti pectoris orbes**Clarum Mundi oculum cingunt pallore vel ipsum.**Asportat cineres pluvios vis noxia venti;**Dum frutices omnes languent siccante veneno**Herbis obtruncat vitam brevioribus horis.**Lympha filet, luget Pratum, vis florida languet,**Terrori tellus immersa apparet acerbo;*

Ta-

Tabifico horrore, & tetrīs perculsa tenebris
Terra tremit, Mare dat fremitus, exhibilat Aer.
Enceladum rursus jam prisca apparuit Ætas,
Ausi olim sunt qui fera bella movere Tonanti,
Vulcanusque globos fumantes fabricat audax;
Stellato Imperio ut deturbet Numina Divum.
Syrenis nostræ faciem atrum obnubilat omnem
Et cinerum, & fumi virus, flammæque vel undas
Iuxtâ illam magis ardentem sufferre necesse est.
At mea Parthenope flammæ mons iste minister
Ira Divinæ culpas ut fulminet aptat.
Hæ citò Motori auscultant, tu crimine turpis
Nunc si iras placare cupis cor rumpe dolore,
In lachrymas illud reddant oculique solutum.
Plantu ignem extinguas, quem culpa accendit, & auxit.



CVRTII FACTVM.

*Patria dum vivat, vasto me gurgite tellus
 Sorbeat, & præceps regna profunda petam.
 Si mea terra inbians utero nunc viscera condet,
 Vivida fama Pium Nomen ad Astra feret.
 Ascendet Superos, qui se coniecit in imum,
 Si qui conatur tendere ad alta cadit.
 Sic ait, & cecidit. Casu patriæque salutem
 Attulit, & celebri nomine surgit Ovans.
 Tanto ausu intremuit, stygiusque exhorruit Orcus,
 Expavit Pluto, pallida morsque stetit.*



SOLVS AMOR MEVS CYNTHIA.

59

*Multigenas animus percepit pectore flammæ ,
 Dulciter igne novo sæpius incaluit ,
 At fuerunt rapidæ, atque fugacis fulguris instar,
 Nec multum stabilis languidus ignis erat :
 Sed tua, quæ nullum poterit confringere tempus
 Cynthia me vinctum vincula sola tenent ;
 Vincula, quæ Pyllo durabunt longius ævo ,
 Dum Sol è vasto gurgite tollet equos ,
 Æquora tunc potius patienter cærulea sulcos ,
 Antè nitens fiet florea terra Polus ,
 Frigentique hyemi torrens miscebitur æstas ,
 Fervidus ignis edax desinet esse prius ,
 Fluctibus Oceanus, stellisque carebit Olympus,
 Quam noster placidus dissocietur amor .*



H 2

CON-

CONCHYLE RORE PLENVM.

Stemma Academicum.

Discindant alii mediis Aquilonibus Æquor ,
Naufraga mordaci litora dente ruant :
Extremos cerata ratis decurrat ad Indos ,
Chinarum tandem regna opulenta petant :
Perspicuas gemmas, teretes, nitidosque lapillos
Exquirant avida fulva metalla manu .
Ast ego sollicito Virtutis captus amore
Exploro gemmas, diuitiasque suas .
Rorigena en Princeps, hodiè conchyliis cerno ?
Ista ab Erythreo non repetita sinu .
Si vestra argenti Virtutis rore redundat
Parturiet gemmas quam citò, concha, suas .

S O L.

Orbis Luciferi pupilla aeterna coruscans
Productor rerum, lux, oculusque Poli ;
Fons indeficiens lucis, lucisque columna
Lumine conseruas tu generata tuo .
Te Cor, te Regem, te Centrum audire planeta,
Et stellæ debent, luce tuaque nitent :
Dux Mundi, Princeps Cæli, astrorumque agitator,
Luminis & vite, lætitiæque dator .

IGNO-

IGNORANS PAUCA LOQVENS.

*Pauca loqui sapiens . Hoc falsum cernitur in te ,
Namque loqui ignorans plura parum loqueris .*

PETRINÆ DVRTIES.

*Sum dura tenero Petrinæ vinctus amore ,
Quæ filici similis pectus , & ora gerit .
Heu ! liquidae nubes corrodunt saxa cadentes ,
Ista meis lachrymis durior efficitur .*

R A T I O.

*Est anima , est oculus mentis Ratio: ille cadaver ,
Et cæcus , Ratio , quem sua vita fugit .*




SE-

Semiramis comis discinctis Babylona petit .

*Cogite ad arma viros, rumpant Cælestia vota ,
 Hostibus atque ferant ara corusca necem .
 Bellifonas alta flammæ cervice superbus
 Ferrato Sonipes concitet ungue ferox :
 Pectora si fragrant agitata cupidine regni ,
 Mollitiem , & luxum bellica Gesta fugent .
 Non tremulas fingat calamister crinibus undas ,
 Nec manus exornet pectine docta comas .
 Casarie incompta ad Martis certamina curro ,
 Et celebres Palmas, & spolia ampla feram :
 Nam coma passa volans infausa cometa rebeli ,
 Et stabit fidis prospera Stella meis .*

Deo Parentibus , Magistris par reddere
 non possumus .

*Cur ? dedit esse Deus , Divinam preparat aulam ,
 Visceribus propriis nutrit uterque parens .
 Moribus instituit, doctrinis , arte Magister :
 Reddere par istis quomodo dic poteris ?*



IRE-

IRENE IMPERATRIX.

63

*Imbellis potuit Terrarum sceptrum tenere ?
Vel mulier Mundus, femina vel Vir erat.*

SORTIS INCOSTANTIA.

*Fortuna cursus semper variantur in Orbe .
Cur illa inconstans ? Femina ceca Dea est .*

PARVUM LOQUENDVM.

*Os unum Natura dedit, binas dedit aures ,
Audire hinc multum discito, pauca loqui .*

LIBERALITAS.

*Est munus Divum, fulgent hoc Numina Sacra .
Hostis avaritiæ, Nobilitatis honos .*



FE-

Indigno amanti Cynthia nubit.

Cynthia (me miserum) quæ te sententia vertit ?

Propositi voluis tam citò vela tui ?

O levior foliis, mulierque fugacior unda,

O mea spes fragilis terque quaterque fugax.

Hei mihi quam subitò connexa ligamina solvis,

Nos quibus æterno federe junxit amor,

Sicque repenti mei dulcis tibi cura recessit.

Excidit ex animo nunc mea firma fides ?

Et promissa tua æquoreis jam credita ventis,

Pollicitumque levis substulit aura thorum.

Credebam infelix tædas celebrare jugales

Tecum, felici conjugioque frui:

At spes vana diù miserum me lussit amantem,

Credenti illa nimis jam mihi cassa cadit.

Ecce tuum florem, quem ego solus sumere dignus

Colliget, heu non me dignior, alter amans.

Impia tolle moras, hymeneja gaudia comple

Det tibi Sors thalamum, dent mihi fata necem

Quam mihi Sors rerum contraria semper amanti

Principium lathi finis amoris erit.

NE-

NERONIS OBITVS.

65

*O' qui lathei potatis fluminis undas
 Tristia laxandi pectora tempus adest :
 Iam Nero fatali committens lumina somno
 Exanguis stygios pulsat adire lacus:
 Non vos tanarius contorreat amplius ignis,
 Abstineat penas addere flammastygis ;
 Sed fiat fera flamma magis cum venerit ille
 Tormenta ad summum crescere tunc faciat.
 Cunctorum si ausus solus committere culpas ,
 Cunctorum penas solus & ipse luat.*

HVMANI IVDICII FALLACIA :

*Quando putasse putas, alius jam multa putavit ;
 Rem fecisse putas, fecit & alter homo .
 Omnia mens hominum non cernit, fallitur illa
 Si benè cuncta putas, tunc benè cuncta facis.*



I

PIVS

PIVS V. PONT. MAX.

Contra Turcas bellum gerens.


*Barbare tu regnante Pio nos vincere speras ?
Falleris, hoc Domino nil, nisi damna feres:
Nam domina Pietate potest nil impius, ergo
Impie siste, cades, nam Pietate cares.*

DIVVS ROCCVS.

*Pestiferam polles terris avertere tabem,
Cujus scævities deprimit omne genus:
Et merito tu Rocce potes, nam calica Turris
Te tenet, indè potes pellere cuncta mala.*

LVCIFERI SVPERBIA.

*Ergo precipitat vesana superbia mentem,
Ingenium angelicum mutat & in stygium ?
Dixeris in Cælo primus, sum primus in Orco ;
At te destituit gratia, pena manet.*



AD-

ADVENTVS S. SPIRITVS.

*Virgine vix Natus Cali remeaverat arces,
 Patris & ad dextram cinctus honore stetit
 Agmini ut aeternam duodeno immiserit auram,
 Ut qua dilexit corda bearet Ovans.*

AMOR TERRENVS, & DIVINVS.

*Aliger ille Deus, quem flammis cuncta ruentem
 Otia vana foveat de styge patre fuit:
 Ast Amor ille Dei, quo gens divina calescit
 Spirat ab aeterna mente, animumque beat.*

D I E S I V D I C I I:

*In Sole, in Luna, in Stellis sua signa videbis.
 Æquora, Terra, Polus territa ab igne ruens.*

DIVI THOMÆ APOSTOLI DVBIVM.

*Qui dubitasse fuit? nostram firmare salutem:
 Ex dubio THOMÆ firmior alma fides.*

Beati, qui non viderunt, & crediderunt.

*Res Fidei non apparent. Nos credere oportet.
 Querere nec causam. Mens capere illa nequit.*

M E I P R I M O G E N I T I M O R S .

Heu dulcem, & caram sobolem, Patrisque dolentis

Solamen, veras deliciasque meas

Orbasti (ò crudum facinus, deplorabile fatum)

Tam citò vitali Lumine Parca ferox?

Nate, mea vires, mihi primi causa doloris,

Quippe mei fructus primus amoris eras:

Non dum libabas prædulcia munera vitæ,

Vitalem lucem vix decimam attigeras.

Et tua fatali concludens lumina somno.

Haud mora vix natum Mors furibunda rapit.

In lachrymas solvor, tamen hoc solaminis unum est

Cuncta gubernanti sic placuisse Deo.

Primitias Prisci Divis donare fueri.

Primum ex me fructum dono Deo ecce libens.

P A X.

Alma quies mentis, cordis solamen, & aura

Qua nihil utilius, commoda cuncta tenet.

Ad Paradisiacas nos evehit ista phalanges,

Æternum nobis visere dat Dominum.



B.V.

B. V. PRÆSENTATIO.

*Æterno Regi formosa puella dicatur,
Sacraturque Deo, quæ paritura Deum est?*

*Qui cogitat se moriturum facile omnia
contemnit. Divus Hieronymus.*

*Et meritò, quis namque irritamenta malorum
Divitias, & opes diligat? Illa cadunt;
Illecebras Veneris, pompas fastusque superba
Qui non despiciat, si libitina rapit?
Mundus enim liber est, in quo te ducere vitam
Mortalem noscis, congeriemque mali.
Sævus te morbus quando inficit, angeris æger
Atque doles at tunc ipse memento mori.
Nuncius est Mortis morbus, monitorque probatus
Te debere, Orbis, relinquere quicquid habet.*



Masinissa venenum mittens Sophonisbæ.
Ex Appiano.

*Promissis si stare vetat me Roma triumphans,
Quod tibi Roma negat cruda venena dabunt.
Pocula, quæ diro mitto tibi tincta liquore
Hæc libertatis sola medela tua.
Sis memor egregiæ Patriæ, memor esto duorum
Te Regum Sponsam. Fata subito libens.*

Sophonisbæ responsum.

*Munera missa mihi gratissima, gratius illis
Nil, hæc ut moriar libera lata bibam.
Lata magis mortem oppeterem, ni iuncta marito
A' thalamo tumulo proxima facta, forem.*



Ve-

71

Veturia Coriolano filio Patriam invadenti.

*Nate, meæ vires, quæ te dementia vertit?
In Patriam Volscos cogis ad arma duces?
Et Romam Dominam rerum, Populumque Quirinum
Hostili oppressum tu patiere iugo?
Ingruis iratus lethali percitus æstu,
Nec tua Matris amor viscera dura movet?
Impie tolle moras, hæc ubera discite ferro,
Quæ te non hominem at diram alvere feram.
Sic ait occurrens nudato pectore Nato.
Constitit hic subitò pallidus ore puer.
Bellatrix tumidas, quid mammas scindis Amazon?
Si armatas acies ubera nuda domant.*

NATIVITAS DOMINI.

*Cur oritur stabulo Christus? cur emicat astrum?
Mortalem stabulum, stella Deumque notat.*



Vtrîs

Vtris maior laus, Pastoribus ne, an Magis
Adorantibus Christum.

*Vix hominem, atque Deum pura de Virgine natum
Angelica factum mente docente novum
Æternum proni Pastores Numen adorant,
Atque hilares nato dant pia dona Deo.
Sydereos plexus, arcanaque Pegmata Cali
Spectantes ducit Lumine Stella Magos:
Thus, aurum, myrrhamque ferunt tria mystica dona,
Dant puero, noscunt Regem, Hominemque Deum.
Vtris laus major? vis hoc ut carmine dicam?
Pastorum cultus major, honorque & amor.
Angelus hos, illos movit nova stella, scienter
Illos, simpliciter credere at hosce vides.
Vera Fides audit, non querit. Verior illa
Qua credit, non qua credita nosse cupit.*



Bea-

73

Beatae Virginis animam doloris gladius
Pertransiuit.

*Martyrium sine morte subit diuina Virago,
Quae patitur CHRISTVS vulnera compatitur.
Torquetur Natus, Mater torquetur. Amore
Hec pendet, morte is pendet ab arce Crucis.*

E C C E H O M O.

*Ecce Homo ? si tot dura subit tormenta Redemptor
Inspiciens ! melius dixeris Ecce Deus.*

Prophetiza quis te percussit.

*Quis me percussit ? qui me detraxit ab alto.
Qui mea velavit lumina ? Fortis Amor.*

Christus portans spineam coronam.

*Flos ego sum campi dixisti, collige dumos :
Nam Campi flores spineaserta tegunt.*




K

CHRI-

Feralem toto discerptus corpore Truncum
Bajulat Omnipotens Virgine Matre satus;
Plectitur & lassus pugnīs, & calcibus usque
Ceditur, heu, cunctis afficiturque probris:
Semianimemque illum laniat cacobètes apella
Quam cinis immundus vilior, atque finus
Prò scelus! Ecquid hic admisit purissimus agnus,
Penderet ut pēnas sacrilegasque feras.
Hic nihil admisit similis Genitoris Imago ;
Impia sed voluit funera sponte pati .
Adversis aduersa parat medicamina . Quondam
A ligno mors, nunc à trabe vita venit .
Sic eadem varios producit tempore fructus
Arbor, qua morbus jam fuit, indè salus .

S I T I O .

Ferte mihi potum, volo namque abstergere labra,
Qua impuro. Iudas polluit ore furens .



Clamans voce magna , inclinato &c.

*Et caput inclinans clamorem ad sydera tollit ,
Vt nos mortales Christus ad astra vocet .*

CHRISTVS IN CRVCE.

*Inter Latrones quum de Crucis arce pependit
Tunc verè Virtus extitit in medio .*

EXIVIT SANGVIS , ET AQVA.

*Turpia purpureus detergit crimina sanguis .
Pocula lympa fluens temperat, unde salus .*

S. MARIA MAGDALENA

Vt cognovit.

*Haud mora passa comas, contundens pectora palmis
Ad Domini sacros advolat illa pedes .
Mirum ! illos lachrymis tergens sua crimina tergit .
Ter purum ad Solem sordida culpa fugit .*



Turca Viennæ obsidionem derelinquens.

*Corrupt semper vesana superbia mentem
Est depulsa polo, tartara nigra tenet.
Impie credebas Romanam evertere sedem,
Totius & mundi Sceptra tenere manu:
Cinxisti Austriacam forti obsidione Viennam,
Qua capta posset martia Roma capi.
Ecce redis Victor, spolia ampla refersque triumphis.
O' pugnatores viribus eximiis!
Everfus mordes terram, Cælumque querelis
Implet. Sic punit corda superba Deus.*

F I N I S.

D. IOSEPH BARBERIVS S. T. P.

In laudem Auctoris.

*Musarum prædulcis amor me vexit ad altum
 Parnassi montem, Lauriferumque nemus :
 Hic vidi doctas, mihi dilectasque Sorores
 Formosum sertum texere fronde pari .
 Mirabar : mihi tunc illæ dixere canentes :
 Nunc dignus tuus hoc Bartholomæus adest .
 Haud mora concentus ; Musasque vocavit Apollo ,
 Teque coronari iussit, eaque statim .
 Ergo quid celebrem, si te celebravit Apollo ?
 Hoc unum : Patri Filius es similis .*





Centrale di

IGNATIO PROVENZALI

LICIENSI PATRICIO
A CATHOLICA MAIESTATE
REGIAM CANCELLARIAM REGENTIS

HONORE INSIGNITO

Nepotis sui devoti animi Testimonium.

Astræ à Cælo nostram respexerat Urbem,

Qui placeat nullum viderat esse Virum:

Te tamen ut vidit de millibus eligit unum;

Teque suas voluit nunc retinere vices.

Et meritò; tua namque est Provida, & Ignea Virtus,

Quæ celeri cursu promovet omne bonum.

Igneus estque tibi vigor, & cælestis origo:

Hinc Vrbi, & Regi (laus tua magna) places.



ICINATTO PROVENIAL

ALCANTARE PATRIS

A CATHOLICA MAESTATE

REGIA CATHOLICA MAESTATE

Honore Insistenti

Honore Insistenti

Honore Insistenti

Honore Insistenti

1.6.88

Honore Insistenti

Honore Insistenti

Honore Insistenti

Honore Insistenti

Honore Insistenti

Honore Insistenti

Honore Insistenti

Honore Insistenti

00 5643778 -

ℓ